

O R A T I O,
SUPER RESTITUTA
S. DELPHINI
VALETUDINE,

HABITA IN SCHOLIS MEDICORUM.

A M. LAURENTIO FERRET,

Facultatis Medicinæ Parisiensis Doctore-Regente,

Die Jovis vigesimo - primo mensis Decembris anni 1752.



P A R I S I I S,

Apud Viduam Q U I L L A U, Universitatis & Facultatis Medicinæ
Typographi.

M. D C C. L I I.

OF THE
SOCIETY
OF DELPHINI
VALLEY

TO THE
SOCIETY OF DELPHINI
VALLEY
TO THE
SOCIETY OF DELPHINI
VALLEY



THE
SOCIETY OF DELPHINI
VALLEY
TO THE
SOCIETY OF DELPHINI
VALLEY



ORATIO
SUPER RESTITUTA
S. DELPHINI
VALETUDINE.



UOD hætenùs omnis omnium ferè hominum
conditio, quod Gallia tota, vota inter formidi-
nemque suspensa, modò evenissè optabat, mo-
dò horrebat eventurum, id, singulari tandem Pro-
videntiæ regimine, faustum ac fortunatum nobis contigit;
AMPLISSIME RECTOR, DECANE VIGILANTISSI-
ME, VIRI MEDICINÆ PROCERES, AUDITORES
OMNIUM ORDINUM SPECTATISSIMI, ut tetro Va-
riolarum morbo defunctum PRINCEPES SERENIS-
SIMUM securi potiamur.

Ergo Gallia, non ampliùs mœrens, non anxia, non in sollicitudine & curis vitam trahens; sed securitatis, & gaudii plena, tuum DELPHINUM, morbo infando, ineluctabili ferè, liberatum ipsis oculis vides atque animo complecteris.

O Artem penè divinam! O indubitatam felicitatis nostræ Artificem! non clam sed palam & apertè prædicandam: cujus ope efficaci, gubernatâ & compositâ, multos post conatus, post labores, Naturâ, DELPHINUM quasi redivivum intueri datur; ut si adhuc dubium fuisset, forte casuque, an Arte aliquâ vitæ homines redderentur, PRINCIPEM tamen nostrum liqueret à Medicinâ restitutum.

O sanationem pretiosissimam! Qui nobis tandem hymni; quinam cantici in hoc suffecerint ut gratemur divinæ Benignitati, quæ ministrante Medicinâ, periculum omne discessit, prorumpentes omnium absterfit lacrymas, & grassantem in Borbonida Lilia compressit calamitatem.

Ego ne silebo! qui varias omnium formidines perpeffus, nunc universorum lætitiâ lætor. Qui Medicorum si non operibus adfui, fortunæ saltem professione sum addictus, an otiorabor? fas mihi, fas, pro tanto DEI munere, publicè in gaudium erumpere, solemneque supremo salutis Autori, ac ejus ministris grati animi testimonium referre.

Neque patiar me seu argumenti magnitudine, seu timiditate meâ diutiùs retardari. Gratulabor omnibus ad quos renovatæ DELPHINI valetudinis lætitiâ pertinet. Ad quos verò non illa? A Sceptro ad pedum, à Solio ad casâs, cunctis unus metus, una spes, unus dolor, una voluptas fuit. Mene particulatim sejungere quod unum effecit nuperimus casus? Quod Regiam Familiam cum patriâ, magnates cum populo, aulam cum civitate, nobiles cum plebeiis, cum egenis divites ita miscuit indiscriminatim, ut tot hominum genera, tot gradus, tot conditiones, eodem terrore dejece-
rit, eadem alacritate crexerit. Erit igitur, spero AUDITORES,

quod ignoscatis dicenti mihi quid Naturæ Medicinæ in restituendo DELPHINO præstiterit, si quod Natura indivisum in omnibus esse voluit, indivisâ Oratione disseruero.

Nec rem verbis amplificare animus est, MEDICI. Quis enim cogitando, nedum eloquendo possit assequi, quod vos exequendo perfecistis? quidquid dixerò, totum id, quantumcunque erit, vestrum erit. Felix! si quod tractare suscepi, ingenii culpâ non deteram.

Nec ego oratoriè, sed latinè eloquar. Non enim eruditus ab arte, sed grati animi sensu Orator factus in hunc suggestum, audacior forsan, conscendi. Itaque in hoc exercitationis genere, rudem me atque inexpertam, benevolentiam vestrâ sublevaturos vos esse confido: si non lætitiæ sublimitatem & magnificentiâ adæquabit oratio, orationi saltem vim & jucunditatem suppleat præsens lætitiâ. Hoc unum mihi in votis, hæc merces laboris exigui maxima.

ITA Natura singulos Homines comparavit, ut quò viribus valentiores ii, eò vincantur à morbo difficiliùs; quò ortu proximiores, eò longiùs ab interitu recedant, hoc Naturæ votum. Quò sanguinis communione conjunctiores, aut alio fœdere obligati, eò dulciori inter se nectantur charitatis vinculo, ab eoque solvendo magis abhorreant; illud Naturæ sensus dicitur. Utrumque DELPHINO, ut à Naturâ concessum, sic restitutum à Medicinâ (quod nemo nostrum non gloriatur) vobis nunc benignè audientibus exponendum aggredior.

Ne expectetis, AUDITORES, cum hîc de robore & juventutâ loquor, eum esse me qui PRINCIPIS laudes ex corporis dotibus capere velim. Habitûs præstantiam, pulchritudine juventutis insignia, elegantiam artuum, regiam oris dignitatem maritimi vel telæ credant qui his in artibus Pra-

ritelem Apellemve æmulantur. Figuram deprædicent alii, qualem Achilli affinxit Homerus, Æneæ Virgilius; qualem Africano tribuunt historiæ; nos Esculapii alumni, longè præstantiora bona, longiùsque duratura contemplamur. Ea nempe, quæ seu ad sanitatem tuendam, seu ad debellandos morbos, omnium aptissima comprobantur. Hereditariam dico corporis firmitudinem, nativamque singularum partium harmoniam, quam adolescens DELPHINUS servavit, servatam confirmavit, confirmatam amplificavit. Quippe, quod latum pectus! qui humeri! quæ latera! qui lacerti! viresque militiæ non impares! splendet in oculis, in genis purpurat intemerata sanguinis castitas, qua exprimendâ certant inter se sanitas & juventus.

At quid ego? corporis dotes aliis celebrandas tradere me professus, illas ipfas celebro, imprudens! qualesque Homerus cecinit heroas, talem exhibeo vobis **PRINCIPEM SERENISSIMUM!** A proposito non aberravit Oratio, **AUDITORES;** virtutis hæc fructus amplissimos, imò virtutes ipfas refero. Quodnam enim aliud tot & tantarum corporis commoditatum, præter temperantiam atque continentiam, fundamentum agnoscitis? Agnoverat ipse **PRINCEPS** eò vegetiorem futurum animum, & ad altiora surrecturum fortius, quò lautis minùs cibis corpus aleretur. Non ignorabat quid pocula ardentia, quid vinum (nam ipso abstinet vino) efficeret in corpus, maximè ubi recentior sanguis in primis annis fervere solet, & ad omnem animi perturbationem excitare. Summâ cautione blandimenta omnia effugerat, quæ gignit Aula ipsa, haud secùs ac Siren altera, incautos decipere efficax. Declinaveratque vias lubricas, quibus insistere aut ingredi adolescentia sine casu aliquo aut lapsu vix potest. Neque illi quisquam aures obturaverat, ne audiret; non occluserat oculos, ne videret; non hebetaverat animum, ne sentiret: ad quæ mala devitanda tum à formatrice morum disciplinâ, tum ab ipsâ naturâ fuerat edoctus

7
Præterquàm enim quòd sapientibus præciendi Magistris
ejus pueritia commissa fuit, Paternis etiam virtutibus cum
semine fuit imbutus, earumque, veluti anticipatâ quâdam
hereditate, factus possessor.

O admirandam Supremi NUMINIS Providentiam! Quæ
dum PRINCIPI periculum destinaverat ad certum tem-
pus, Ei ad perferendum, à teneris annis vires longè ante
sufficiebat. O evidentem OMNIPOTENTIS tutelam! quæ
ceream illam ætatem ad vitia deflecti passâ non est, ut ad-
versus morbos adulta fortiùs insurgeret. Quæ neque Puelli
infirmittatem truci morbo objecit, neque quandam expecta-
vit annorum maturitatem, quâ Natura morborum conta-
gioni sæpè sæpiùs cedit; verùm in ætatem illam distulit, quâ
PRINCEPS, nullo voluptatum lenocinio fractus, illiba-
tis frueretur organis. Tu certè DEUS, lætissimam hanc
producere juventutem, mortique indebitam victimam eri-
pere gestienti Naturæ, benignus affuisti; tu votum illius
Medicinâ tuâ adjuvisti.

Hoc tuum erat, Natura, votum. At tuus non minori ju-
re sensus fuit. Vitam acceperat DELPHINUS à Patre
ejus gloriam mirabuntur posteri, præsentis fruimur. Fac-
tus & ipse Pater, exposcenti Galliæ Principem, etiam nunc
in purpurâ vagientem, protulerat. E sinu REGINÆ, quam
Matrem charissimam amat, Sorores amantissimas socias ac-
ceperat. In DELPHINÆ, Conjugis dulcissimæ, confor-
tio novam meditabatur sobolem. Erat Regiæ, erat & Pa-
triæ spes amorque, PRINCEPS ex illâ stirpe ortus, quam
ut imperare solam amamus, ita solam esse speramus quæ
debeat imperare. Quid plura prosequar? Quibus aut dul-
cioribus, aut majoribus vinculis Naturæ obligari poterat
PRINCEPS SERENISSIMUS? Liceat hîc in singu-
lari Patrem inter Natumque amore paulisper immorari.
Quem quidem amorem idcirco lubentiùs evolvam, quòd
cæteros omnes amores contineat, & quasi compendio com-
plectatur.

Affectata, penè dixerim simulata, aliis principibus Naturæ vox & indoles, LUDOVICO innata ingenitaque, in Regiam Familiam paternos verosque amores intulit. LUDOVICUM non puduit vocari quod erat, & dici Patrem. O conspiciendam in Naturæ speculo regiam LUDOVICI Familiam! Quibus enim, quàm latis suos liberos Rex aspexit oculis! Quàm blando fovet amplexu! Quoties è Consilio, vel è Venatu redùx exultantibus iis arrisit, verborumque comitate & lenocinio eos allexit! Ut gessit, ingruente vesperè, dum delicata Aulæ relinquit otia, apud DELPHINUM, dicamus quod res est, apud Natum suum illabi, sui que ibi prodigus, jam Nato, jam Nati Sponsæ, jam Nati Sororibus paterna dividere oscula! Date privatam aliquam Familiam, ubi sincerior affectus, ubi pietas sit obsequentior. Vestram testor fidem, AUDITORES, Regiam itam familiaritatem quanto, quàm inaudito, quàm singulari Naturam ornamento illustrare arbitramini! Narrabunt futuri rerum scriptores quot corruiere propugnacula, quot nostris tormentis discussæ radicatis arces, quot victricibus armis debellatæ nationes; mirabuntur quoties regressi non sine palmis, quoties triumphis illustrati nobilibus, quoties vicimus citius quàm pugnâvimus. Domesticas LUDOVICI virtutes quis dignè referat? Habet suas Victoria lauros & palmas; laudata illa familiaritas, si priscis nota temporibus, templorum honorem tulisset.

Dulcis & amœna Magnatum conditio, dum purpure splendori simplicitatem Naturæ miscere non reformidant! Nec ego pronuntiare dubitaverim, PRINCIPES, aliquantum vestræ detractum magnitudini, quandiù eam non comitatur felicitas illa, quæ vos populis non aspectabiles modò, sed & reverendos ostentat.

Ut autem DELPHINUS non minùs ob alia nobis preciosus, quàm quòd erat Princeps; sic & Parentibus non minùs ob alia charus, quàm quòd Filius erat. Ille qui, secun-

aus à REGE, omnia infrà se posita videt; quâ obedientiâ cum Rege, quâ cum Principibus curâ, quâ moderatione cum Populo, quâ cum seipso sapientiâ foret agendum, optimè tenebat. Princeps aspectu humanus, aditu facilis, comis alloquio, suavis moribus, actu beneficis, eoque lubentius, quò clam & occultè magis. Ut Qui exemplum cæteris Principibus, præstabat benignitatis laude; ut Qui Ecclesiæ proceribus spectaculum, observantiâ Numinis excellebat; ut Qui historiarum materiam Orbi daturus, jam tunc Litteris favebat. Musarum enim contubernium non excluferat à Virtutibus, æquè omnis doctrinæ capax, non minùs quàm justitiæ cultor, ad omnia, præter quàm ad simulationem, eruditus.

His ornatum PRINCIPEM virtutibus, à DEO Patria acceperat, qualem sibi concedi nulla natio non ambiret, Unum nostræ deesse felicitati videbatur, nempe, ut DELPHINUS Regiam Domum jucundissimo fulciret Hærede, Patriæque securitati, propagatâ Borbonidum prole provideret. Tantum Dei munus DELPHINI DELPHINÆque castis amoribus deberi nullus non sentiebat. Id autem à Cœlo dum universa Gallia votis ardentibus efflagitaret, en audierat pia vota Numen exorabile, & benignitate suâ spes nostras cumulaverat.

Galliam itaque DEUS iis omnibus belli, fœderum, hæreditatis commodis muniverat, eâ felicitate ditaverat, ut nullus esset hostis qui non armorum vim formidaret, nulla fere gens quæ non amicitiam aucuparetur, nullum regnum solido quod magis fulcimento stabiliretur.

Verùm usque adeò nulla est certa & summa voluptas Mortalibus! lætisque & faustè fluentibus rebus, triste aliquid & infaustum plerumque aspergitur. Ominamini morbum, AUDITORES, quo mox ut DELPHINUM correptum audivimus, intremuit Naturæ sensus, votumque suum jam desinitum illa credidit,

Et quidem veluti alacriter vela dantibus, ventus exoritur inter navis funes ad malum erectos, primum quidem sibilo ludit, mox suspensum mare extollit, ducitque nimbum; qui ater Olympo inhorrescens, funestum quid videtur portendere; sic, dum Pax duleia nobis faceret otia, REGEMque nostrum cum Liberis beatam vitam vivere lætaremur, ecce, perflante ad Versaliarum arces pestilenti aurâ, turbatur illa fortunæ nostræ serenitas, ecce improvisus morbus irrepit subdolè primum, dein mox sævâ adoritur symptomatum procellâ.

Licet enim plurimos inter morbos multi sint, quos & futuros prænoscere ut avertantur, & nosse præsentis ut disturbentur, Medicis sit concessum, existunt huiuscemodi indolis quidam, qui variâ primum ludentes specie, incautos decipiunt, fallunt inexpertos, cautos, expertosque variè exercent. In incessu perfidè mites, mendaces in processu, in decessu inopinanter exitiosi.

Iis præludebat signis morbus truculentus, cum ex Medicis, veluti gubernatoris, vultu conjicitur non vulgare periculum. Consilium is advocat; magno tum misceri murmure Regia, undequâque omnes excitari, festinare undequâque turbati; quisque monere, quisque præcipere; ut penè in tumultu conterritorum, non minùs, quàm in ipsâ tempestate, adesset periculi.

Arrecti interim Medici, & Variolarum exitum tristi silentio opperientes, ad sedandas turbas, hostileque virus eruendum aptabant auxilia. Jam te Magnatum, jam te Civium desideria è *Compendio* revocabant, REX AUGUSTISIME. Adventum tuum, velut albam quæ nautis refulgeret Stellam, aspectabant. Longum tempus! Longius tantò, quantò minax magis!

Nec mora, vix misso nuntio REX proficiscitur, advolat adest. Iter præceps! luctuosum! non absimile multùm ab illo, REX MAGNANIME, dum è Flandriâ profectus

ad Rhenum citissimè devolasti, Patriam illuc liberaturus, hic
 Filium servaturus: Illuc Patriam, tamquam Nati defensurus
 Patrimonium, hic Natum tanquam Patriæ hæredem tuiturus.
 Utrobiquè Pater & Rex.

Eheu! Quid vos Magnates! Idem animus, qui tantopere
 absentem vocaverat LUDOVICUM, præsentem nunc
 submovet! Multi antea in spe, nunc toti estis in metu! In-
 geminantur felicitudines, luctus, suspiria; aut potius unica
 tantum vobis est pro Nato simul & Patre formido.

Interea REX, quem undique dolor obsidet, ipsaque ter-
 rent silentia, non patitur moras, DELPHINUM adit,
 DELPHINUM suis ipsius oculis conspiciendum. Quò
 properas? REX CHARISIME, quibus te periculis
 objicis? siste, heu! siste. Chari, propinqui, magnates, po-
 pulus, tota Gallia tibi supplex procumbit. At Pater Dilectum
 suum, Unicum suum jacentem non videat! non contemple-
 tur! Tu idem nobis Pater es, Te Patrem appellamus, Te Pa-
 tris gloriamur, Te amisso perimus; heu fuge, Teque his
 eripe.

Accedunt Medici. Mox erupturas Variolas nuntiant. RE-
 GEM precantur, obsecrant Patriæ cedat lachrymis, ab
 instanti discrimine sese proripiat: Cunctantem divellunt.

Loquere, Gallia. Quibus emota, quibus agitata angoribus!
 dum tuum REGEM variis hinc inde distractum curis, tuas
 inter lachrymas, & Nati sui pericula fluctuantem; modò quid
 Patriæ Rex, quid Nato Pater deberet deliberantem videras,
 severas, amaveras. DELPHINUM virtutibus maturis, imma-
 turâ die ferè extinctum dum lugebas, nonne eodem tumultu
 consocianda Patris & Nati funera exhorruisti? Quò te vertas?
 quò circumferas oculos, ubi non omnia acerbatis & luctuum
 plena? Ut debilem te, Regnantis inter Solium ac Regnaturi
 cunabula, conspexi! Avum sædatâ luctu purpurâ sedentem;
 debilibus cunis Nepotem revolutum aspectabas. Dolori occu-
 pisse alterum, alterum Patre statim, & dum nasceretur,

orbatur fuisse gemebunda querebaris. Ut inde concussa , perturbata , mutata omnia augurabare ! Proh tam chari Capituli desiderium !

Quod ut averteretur damnum , quàm ardentibus votis à DEO efflagitasti , ô Patria ! quàm sedulâ pietate , quibus Sacris , quibus precibus supremum Numen fatigasti ! Vidimus referta lamentantium turmis Tempia , circumfusa Altaria , vix ut Sacra facientibus vacaret locus , qui non supplicantium numero angustaretur. Vidimus oppletas undique vias , publicis ac solemnibus oppidatim Supplicationibus impeditas. Vidimus mœrentem hinc inde populum , ubique pari affectui indulgentem , pari actione occupatum. Ut in Unius salutem collata omnium vota ! Ut neminem nec ætas , nec valetudo , nec sexus retardavit ! præcurrentibus ipsis matribus , quòd proli se suæ intelligerent precari , quæ pro Regni Hærede precaentur.

Ut non est dolendi , sic nec timendi modus. Dolet LUDOVICUS quantum novit accidisse , timet quantum potest accidere. Ideoque mentem ad deducendum discrimen , magis quàm ad dolendum suum dolorem advertit. Acceruntur in consilium Medicinæ Proceres. DELPHINUM , spes suas , Medicis tradit LUDOVICUS ; eos jubet Rem ita curare publicam , ut ex publicâ privatam facerent. Fores occludi diligenter imperat. Vetat quemquam nisi vocatum Ægrotantis cubiculum ingredi. O admirandam LUDOVICI humanitatem ! Quæ Magnates , devota morti pectora , periculo arect , saluti ipsorum timet ac consulit , benignè providus.

Verebatur insuper REX prudentissimus , ne Medicis dies , ne spiritus , ne vires deficerent , si tot mutationes unieuique recitandæ forent. Timebat ne Medicorum intentio , variantibus plurimorum sententiis , non impediretur modò , verùm etiam intervertetur. Cum enim Eruptio expectaretur avidissimè , expectationis comes dissidentia , in animos Aulicorum

irrepere poterat. Illud enim Gentis nostræ ingenium est, ut, quemadmodum in audendo, sic etiam in desperando sit præceps. Nunc incusat Naturæ tarditatem, quæ in recenti morbo nequaquam meruit reprehendi; nunc celeritati Artis adversatur, quæ occasionem fugacem lucro vigilanter apponit. Hæc omnia animo intuens REX, voluerat ut, nemine præter Medicos assidente, salubre Consilium iniretur.

Tunc Medicorum accingitur quisque operi. Naturam quærunt ut sequantur, ut imitentur interrogant... Natura ubi es? Fractis morbo viribus quasi victa, vovet illa quidem, non respondet; conatur, nec efficit.

Unde igitur auxilium periclitanti graviter PRINCIPI? Ab Arte illâ salubri, AUDITORES, quæ Naturæ aliàs ministra, adjutrix interdum, hodie fit magistra: quæ Naturam labantem sustinet, erigit languentem, sopitam excitat, temperat igneam, effrænem coercet: quæ solatur afflictam, despondenti opitulatur; Medicinæ, nihil temerè agens, nihil supervacaneum, nihil nimium; nusquam cessans, ubique sufficiens, nec deficiens usquam; quæ, nisi vias invenit, facit: quæ, vel aperto Marte, vel insidiis, infâustum hostem è vitæ laribus longè distubat.

Sæpe ego mecum AUDITORES, tacitus agitavi quales quantosque esse oporteret, quorum arbitrio nutuque vita, sanitas, incommoda, morbi Principum regerentur. Fingenti, formantique mihi Medicos, huic tanto muneri non impares, nunquam, voto saltem, concipere succurrit similes iis, qui DELPHINI arduæ curationi interfuere.

Ipsos in curandi negotio, magnâ ex parte, representavit Is, qui ab ejus latere non discedens * vitæ custos datus, valetudinis rector, in conservandâ pretiosissimâ DELPHINI sanitate & morbis præcavendis, nullâ non horâ totus est. Qui fide, probitate, constantiâ, PRINCIPIS æstimationem sibi conciliavit. Quem seu in morbi vicibus exponendis,

* M. Bouilhat.

seu in proponendis remediis, nec ordo lucidus, nec sagax prudentia unquam deferit.

Improbi laboris, hoc in discrimine, fuerunt adiutores egregii, qui assiduo usu & diuturnâ experientiâ confirmati, vigent animis adversus omne morborum genus sapienter audaces. Licebit itaque huic Academia gratulari semper, quæ, è sinu suo, præter Aulicos, ** splendida Facultatis nostræ Sidera, tres insuper Collegas, quatuor penè dixerim dum Medicinæ Nestorem (a) comminiscor, suffecit. Quorum alter, (b) iis ornatus dotibus quæ musæi fulgent in umbra, in Praxeos Medicæ Palestrâ non minus elucescunt. Alter, iis instructus moribus (c) quos Saturni tempora venditant, [suâ se sinceritate involvit, omnibus utilis. Tertius, (d) Herculis ritu, si non impedire quin vitæ hostes nascantur, nascentes suffocare, aut vincere jam natos promptus, cui etiam à puero, aggredi ludus erat.

Quæ autem concordia! Quis concentus! Apage contentionem, quæ sæpe noxia, semper turpis est. Procul obsequium tacitè vituperantium quæ palam commendant. Hæc fuit gloria non consortis impatiens, cum alius & alius pari iugo, non pro se, sed pro Re niteretur; apud quos non Ars alia, quàm sanandi, Medicina fuit. Omnia tam moderato examine discussa, tam concorditer disposita, ut & Loci majestatem observaverint, & Artis dignitatem usque retinuerint. Taliter se gerunt summi in arte Viri, summa fata dum tractant.

Hæc omnia fovebas, temperabas, moderabaris consilia, ILLUSTRIS SIMI ARCHIATRO RUM COMES. * Cujus dignitas non in fortunæ muneribus, sed in virtutis præmio numeratur. Bis felix, qui eodem in REGEM & Patriam zelo accensus, olim, invictissimum Imperatorem, Galliæ propugnaculum, nutanti jam & attonito exercitui nostro,

* M. Helvetius & M. de la Vigne. (a) M. Molin.
(b) M. Falconet. (c) M. Pouffe. (d) M. Vernage. * M. Senat.

velut à mortuis excitasti ; Modò ; REGIS Regnique
spem ac delicias, PRINCIPEM amantissimum, jam ferè
comploratum, conspirantibus selectis Medicinæ Proceribus
recreasti.

Istâ diligentia delecti Medici, noctu diuque assiduas agunt
excubias. Serpenti morbo indefinenter invigilant, cui minor
quàm pelago fides, sive quiescat ille, sive intumescat. Conti-
nuis enim obnoxia mutationibus Variolæ, Maris fluctus imi-
tantur, quorum alii alios excipiant, dum composito uno
symptomate, alterum succedit, stadio uno vix absoluto,
mox alterum succrescit. Non enim statim ac eruperunt Va-
riolæ, periculo vacant ; sed expectant maturationem, quâ
secutâ, nova sæpè ingruunt tristiora prioribus mala, quæ le-
gitimo non nisi tempore suas absolvunt periodos. Per tot pe-
ricula, per tot moras jactatur DELPHINUS, scilicet ut
reliquis mortalibus, sic & Principibus sua non nisi per gra-
dus restituatur fanitas. Ad quam accelerandam, variarum,
quas morbus induit formarum auxilia dirigunt Medici. Fer-
vet opus, renovantur studia, labores ingemiscuntur.

Dirum morbi genus ! quale portentum neque prisca Græ-
cia quondam aluit, nec Romuli tellus generavit, utraque
licet erudita gulæ magistra. * Dignum quod natales in Ara-
biâ forciretur, monstrorum parente & alumnâ. Menstris om-
nibus majus monstrum. Propterea quòd hæc habitant quasi
assignatam regionem, illud omnes omnino obtinet. Hæc per
campos tantùm exeunt, aut etiam latent in desertis ; il-
lud rura, vicos infestat ; terret urbes. Hæc omni ferè ani-
mantium generi noxia, parcius in hominem desæviunt ; il-
lud homini soli perniciem molitur. Unum hæc aut alterum
aggrediuntur seorsim ; illud in plures communi simul conta-
gio serpit. Hæc demùm cominùs tantùm efficiunt ; illud
eminùs solo halitu inficit. Condit enim caput in nubes, te-

* La petite Vérole n'étoit pas connue des Médecins Grecs ni des
Médecins Latins. Ce sont les Médecins Arabes, qui en ont parlé
les premiers.

trâque tyrannide totum Orbem funestat. Quod neque senilis deterret ætas, nec flectit infantia, nec venustas mulcet, Formosas deturpat, laniat infantes, juvenes pascit, senes lacerat. Seu regnet Auster plumbeus, Aquilove strideat, æquè ferocit. Humiles casas, & laqueata tecta nullo discrimine pervolat. Felices, quos semel invasit, si faciei tantum impresserit hostile vestigium!

Nec Tu refugisti, SERENISSIMA DELPHINA, Te in laborum curarumque societatem offerre. Hunc testes adeste MEDICI, narrate nobis, an satis unquam? Narrate quâ perseverantiâ, quâ sedulitate curam suam, cum ipsi summa deberetur, DELPHINO impenderit. Nec muliebriter trucem expavit morbum, ausa & conflictatum visere diro veneno Maritum. Periculum instare exclamant, periculum nescit Illa; non avelli sustinet à Conjuge. *Delphinas, inquit, alias in Orbe, Delphinum alterum non inveneritis.* O regia verba! O magnanimitas! Credite posteris; Mulierem fortem invenimus.

Intimosne referabo animi sensus? Quæ dum altum corde premit dolorem, securitatem vultu simulat: Quæ metu dejecta, verborum illecebris & argumentis, DELPHINUM in spem meliorem erigit. An teneram ætatem? Quæ, si corpus vires deficiunt, animos sumit ab eâ constantiâ, cui nihil arduum, nihil impervium. An vigilantiam? Quâ, ipsa præcipuè custos, omni se circa DELPHINUM Ministerio commodat. Quam forti pectore, seu anxios in sollicitudinibus & curis dies, seu vigilatas per metum & formidinem noctes, pertulit! Erit sanè Quam postea uxoribus ostentare possimus, erit à Quâ viri quoque fortitudinis exempla mutantur.

Ah! Si tam grandis Animæ partem celebrare juvat, quid moror alteram? Quâ enim tranquillitate, quâ religione, quâ æquabilitate grassantem morbum toleravit DELPHINUS. Medicis obsequabatur, nihil à cæteris ægrotantibus, nisi diligentia & patientiâ dispar. Meministis, MEDICI, dum, ip-

Jo audiente, dolebatis ejus dolorem, ut præclaras illas voces ore placido emiseric: *Homo sum, humanos casus ferre me aequum est.*

Neque longæ ægritudinis spatio, aut gravitate, de utriusque Conjugis amoribus diminutum quidquam est. Qui morbo gravabatur, tum sui, tum ferè omnium oblitus, JOSEPHAM suam meminit usque, usque suam JOSEPHAM vocat. Quæ DELPHINUM, non DELPHINI formam amaverat, Eadem formosum minùs, non minùs charum amavit. Neque observavit aliàs lubentiùs, aut osculis digniorem judicavit, quàm cum Ille contagii larvâ obductus conficiebatur.

Quid agebas interim, ô Matrum Charissima! Mœstem Sororum turbam, Fratrem desentium, ipsa solatii indigens, solabare. Ab OMNIPOTENTE proficisci tantum vulnus non ignara, suppliciter effusa ad Aras, quem DEUS dederat Natum, vel morte tuâ redimi precabaris.

Regia Progenies! Absterge lachrymas. Qui morbos inducit DEUS idem summovet. Cœlo tandem mitiore, mitescunt omnia. Sollicitam explicuere frontem MEDICI. Vivit DELPHINUS, vivit & valet.

Trepida gaudio Natura! Quod tu vegetum, firmum, animisque floridum corpus tradideras, id ipsum incolume, & ab infando morbo liberum reddit MEDICINA. Natum Parentibus, Nato Patrem, Fratrem Sororibus, Conjugem Uxori, Patriæ spem, amorem, salutem, vitam Medicina illa restituit. Nunc est lætandum, nunc thure & floribus decet ornare benigni Numinis Altaria. Jubilate DEO, Populi, novis concentibus, gratasque simul & alacres ad cœlum palmas tendite. Properate PRINCIPI obviam Urbis incolæ. Ecce venit sospes, supremo vitæ Arbitro grates persoluturus

Tarda nobis fluebant tempora, PRINCEPS Optime, quæ spem te inspiciendi morabantur. Qui dies ille! Quàm clarus affulsit! Cum exoptatus desideratusque Lutetiam tan-

dem invecus es. Qui concursus ! Quæ pietas Te ! qui clamor ! quod etiam silentium excipiebat ! quo Tu silentio non minus quam clamore delectaberis. Scilicet populus idem qui Te periculo liberatum gaudebat, quam propè periculum fuisses, non sine horrore quodam reminiscebatur.

Secedis interim, DELPHINE, secedis, Locus eligitur, qui Te cœli solique mutatione, amœnitate ruris, blandâ prospectûs jucunditate Convalescentem reficiat & confirmet. Beatus ille qui te hospitem habet salubris & amœnus Collis ! Viden quàm exultanter, & quasi ludibundo fluctuum agmine, ad os tuum conspiciendum, ad vultus tuos contemplandos, undequâque decurrant omnes. Huc & illuc cursitant misti Urbanis Agrestes, qui repetitis clamoribus Tibi restituto gratulentur, qui incolumi plausus ingeminent. Novâ lucis usurâ se frui quisque arbitratur. Ipsa arbusta, ipsi fontes, ipsa nemora, nescio quid novæ alacritatis videntur præ se ferre. Quin & ipsæ noctes lætius ipso die collucent. Ignis micant per ætherâ mille lusus ; remotissimâ quæque loca festivè intonant.

Ac veluti post imbres & nubila, dum cœlum serenatur, nitidiores Solis radii ad eantem evocant aves, hic dies lucidus, silentes antea Musas, jacentes antea artes exsuscitat. Eriguntur passim arcus geniales, in quibus variis symbolis certant invicem Pictura ut Poësis. Neque sua ovium custodi deest fistula, quâ, tenero in gramine recubans, carmen Tibi moduletur,

Ades tandem, ô solamen afflictæ Domûs ! O Patriæ spes & amor ! utriusque gloria, Nunc te morbus felix in securiorem effert valetudinem ; hæc mercede morbus placet. Quam igitur Borbonidum Prolem HENRICUS MAGNUS in Solio collocavit, LUDOVICUS JUSTUS firmavit, provexit LUDOVICUS MAGNUS, beat nunc LUDOVICUS BENE-AMATUS, hanc in Te rediviâ, SERENISSIME DELPHINE, hanc in Nato tuo læti conspiciamus.

Vivite felices, vivite, regnate; gloriam nostram, nostrum nomen ambo servaturi, & ad nepotes traducturi. Una cunctorum vox est, salvâ Regnantis posteritate, salva Regni prosperitas.

DIXIT

DECRETUM

FACULTATIS MEDICINÆ

PARISIENSIS.

POSTQUAM dicendi finem fecit Orator elegantissimus, convenerunt in Scholas Superiores, Doctores frequentissimi, ibique, habitis extempore Comitiis, CENSUIT FACULTAS M. Laurentio FERRET gratias agendas esse quàm maximas, pro eâ quam modò habuit Oratione; eam typis esse mandandam, utpote Medicis perhonorificam, tum maximè quia genuinos ac sinceros Ordinis nostri erga REGEM, S. DELPHINUM & REGIAM DOMUM animi sensus exprimeret, eandemque ideo, Magnatibus, Supremis Magistratibus, singulisque Doctoribus esse distribuendam, & sic conclusit

BARON, Decanus.

